

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

ENPLEGU, MERKATARITZA, TURISMO ETA FORU ADMINISTRAZIOAREN SAILA

172/2026 Erabakia, martxoaren 24koa, Foru Gobernu Kontseiluarena. Onespena ematea Arabako Lurralde Historikoko kuadrilletan eta udaletan 2026ko ekitaldian egin beharreko turismo inbertsioei aurre egiteko laguntza lerroen deialdiari

Enplegu, Enplegu, Merkataritza, Turismo eta Foru Administrazioaren Sailaren egitura organikoa eta funtzionala onesten duen Diputatuen Kontseiluaren uztailaren 29ko 29/2025 Foru Dekretuak 8. artikuluan xedatzen du Enplegu, Merkataritza eta Turismo Zuzendaritzari dagokiola lanbide kualifikazioa eta enplegarritasuna hobetzeko prestakuntza ekintzak sustatzeko ekintzak eta ekimenak proposatzea eta haiek gainbegiratzea, bai eta lanbide heziketako zentroak eta Arabako beste erakunde batzuk hobetzea, autonomoei laguntzea, txikizkako merkataritza garatzea eta laguntzea, eta turismoa eta artisau jarduera sustatzea ere.

Azken urteotan, bisitarien kopurua eta turismoaren garrantzia nabarmen hazi da lurralde historikoan. Sektore horren alde egindako lanari esker, Araba helmuga turistiko ia ezezaguna izatetik gero eta jende gehiago erakartzen duen helmuga izatera pasa da. Arabako Foru Aldundiak jarduera horren alde egiten du argi eta garbi, lurraldearen garapen ekonomikoa ahalbidetzeko aukera gisa, erakundeentzat, enpresentzat eta herritarrentzat onura ekarriko duelakoan.

Turismoaren sektorea oso azkar ari da garatzen, eta, horregatik, kontsumitzaileak erakartzeko estrategia indartzen ari da Arabako Foru Aldundia, lurraldean turismoaren garapen jasangarria sustatzen eta konplexua eta zeharkakoa den sektorearen buru izaten.

Sail honen helburua da Araba turismo hazkundearen eredu egitea, gure turismo helmugen, produktuen eta baliabideen jasangarritasunean, kalitatean eta aniztasunean oinarrituta. Horren harira, deialdi publiko bat egitea erabaki da, gure lurraldeko kuadrillei eta udalei laguntzak emateko.

Egungo ziurgabetasun eta aldaketa egoera dela eta, beharrezkoa da planteatzen diren erronken arabera erreakzionatzeko eta jarduteko neurriak hartzea. Neurri horiek gure turismo helmugen, produktuen eta baliabideen jasangarritasunaren, kalitatearen eta aniztasunaren aldeko apustua egiten dute epe ertain eta luzera, Arabako Lurralde Historikoa turismo helmuga seguru, jasangarri, arduratsu, adimentsu, bikain eta lehiakor bihurtzeko.

Horregatik guztiagatik, eta ahalik eta zabalkunderik handiena emateko eta publikotasun, lehia eta objektibotasun printzipioak eta berdintasunaren eta diskriminaziorik ezaren printzipioak betetzeko, Arabako Lurralde Historikoko kuadrillek eta udalek 2026ko ekitaldian turismo inbertsioak egiteko gauzatzen dituzten ekimenak arautuko dituen laguntza deialdia ezartzen da.

Horregatik, Enplegu, Merkataritza, Turismo eta Foru Administrazioaren Saileko foru diputatuak hala proposatuta eta Foru Gobernu Kontseiluak gaur bertan egindako bilkuran gaia aztertu ondoren, hau

ERABAKIA

Lehenengoa.- Onestea Arabako Lurralde Historikoko kuadrilletan eta udaletan 2026ko ekitaldian egin beharreko turismo inbertsioei aurre egiteko laguntzen deialdi publikoa.

Bigarrena.- Deialdia honako hauek arautzen dute: Enplegu, Merkataritza, Turismo eta Foru Administrazioaren Saileko Enplegu, Merkataritza eta Turismo Zuzendaritzak norgehiagoka bidez dirulaguntzak emateko aplikatzen diren oinarri orokor arautzaileek (Foru Gobernu Kontseiluaren azaroaren 12ko 49/2019 Foru Dekretua) eta erabaki honen eranskinean xedatzen denak.

Hirugarrena.- Erabaki honek arautzen dituen dirulaguntzak Arabako Foru Aldundiaren 2025eko aurrekontuko zenbait partidaren kontura ordainduko dira. Hona hemen zeintzuk diren aurrekontu partidak eta banaketa:

- Partida: 30502. G/432300/76500300; zenbatekoa: 167.264,00 euro; onuradunak: kuadrillak.
- Partida: 30502. G/432300/76290302; zenbatekoa: 210.000,00 euro; onuradunak: udalak.

Deialdi honen hasierako hornidura hasierako aurrekontuaren ehuneko 100eraino handitu ahal izango da, dagozkion aurrekontu transferentzien bitartez, baldin eta Enplegu, Merkataritza eta Turismo Zuzendaritzaren beste partida batzuetan gerakinik badago.

Laugarrena.- Ebazpen honek administrazio bidea agortzen du, baina zuzenean aurkaratu daiteke Gasteizko administrazioarekiko auzietarako epaitegien aurrean, egintza argitaratu ondorengo egunean hasi eta bi hilabete igaro baino lehen. Hori guztia Administrazioarekiko Auzien Jurisdikzioa arautzen duen uztailaren 13ko 29/1998 Legearen 46. artikuluan xedatutakoaren arabera.

Bosgarrena.- Erabaki hau ALHAOn argitaratuko da, eta argitaratu ondorengo egunetik aurrera izango ditu ondorioak.

Vitoria-Gasteiz, 2026ko martxoaren 24a

Diputatu nagusia

RAMIRO GONZÁLEZ VICENTE

Lehen diputatu nagusiordea eta Enplegu, Merkataritza, Turismo eta Foru Administrazioaren Saileko foru diputatua

CRISTINA GONZÁLEZ CALVAR

Enplegu, Merkataritza eta Turismo zuzendaria

JUAN FELIPE GARCÍA MIRAVALLÉS

ERANSKINA

ARABAKO LURRALDE HISTORIKOKO KUADRILLETAN ETA UDALETAN 2026KO EKITALDIAN EGIN BEHARREKO TURISMO INBERTSIOEI AURRE EGITEKO LAGUNTZEN DEIALDIA

1. artikulua. Xedea

Deialdi honen xedea da Arabako Lurralde Historikoko kuadrillei eta udalei laguntzea, norgehiagoka prozedura bidez dirulaguntzak emanez, lehiakortasuna hobetzeko turismo inbertsioak egin ditzaten.

2. artikulua. Aurrekontu partidak eta gehieneko zenbateko osoa

2.1. Ebazpen honen bidez arautzen diren dirulaguntzak aurrekontuko partida hauen kontura ordainduko dira:

- Partida: 30502G/432300/76500300; zenbatekoa: 167.264,00 euro; onuradunak: kuadrillak.
- Partida: 30502G/432300/76290302; zenbatekoa: 210.000,00 euro; onuradunak: udalak.

2.2. Foru Gobernu Kontseiluaren azaroaren 12ko 49/2019 Foru Dekretuaren bidez onetsitako oinarri orokorren 7.2 artikulua betetzeko, saileko diputatu titularrari ahalmena ematen zaio aurrekontuko partida bakoitzari esleitutako funtsak ebazpen bidez birbanatzeko, Balorazio Batzordearen proposamena aintzat hartu ondoren eta deialdiaren guztirako aurrekontua ezinbestean errespetatuta.

2.3 Deialdi honen hasierako hornidura hasierako aurrekontuaren ehuneko 100eraino handitu ahal izango da, dagozkion aurrekontu transferentzien bitartez, baldin eta Enplegu, Merkataritza eta Turismo Zuzendaritzaren beste partida batzuetan gerakinik badago.

3. artikulua. Onuradunak

3.1. Honako hauek eskuratu ahal izango dituzte laguntza lerro honetako onurak:

- a) Arabako Lurralde Historikoko kuadrillek.
- b) Arabako Lurralde Historikoko udalek.

3.2 Berariaz baztertuta geratzen dira 2026ko ekitaldirako Arabako Foru Aldundiaren aurrekontuan Enplegu, Merkataritza eta Turismo Zuzendaritzaren dirulaguntza izendun bat jaso duten eskatzaileak, baldin eta haren xedea bat badator dirulaguntzaren xedearekin, bai eta haiekin elkartutakoak ere, adjudikazioaren unean hitzarmena sinatuta izan edo ez; baztertuta geratzen dira, halaber, laguntza lerro honen aurreko deialdietan emandako beste dirulaguntza batzuk epe barruan egin edo justifikatu ez dituztenak, salbu eta Enplegu, Merkataritza eta Turismo Zerbitzuaren iritziz ez-betetze horren arrazoiak behar bezala justifikatu badira.

3.3. Erakunde bat ez da onuraduna izango baldin eta onartzeko prozesuan edo jarduten duenean zuzenean zein zeharka sexu bereizkeria eragiten badu, hala xedatzen baitu Emakumeen eta gizonen berdintasunerako eta emakumeen aurkako indarkeria matxistarik gabe bizitzeko Legearen testu bategina onartzen duen 1/2023 Legegintzako Dekretuak 23.2 artikuluan.

4. artikulua. Diruz lagundu daitezkeen gastuak

4.1. Proiektuak abian jartzeko inolako zalantzarik gabe diruz lagungarriak diren gastuak, beharrezkoak direnak eta ezarritako epean egiten direnak diruz lagundu ahal izango dira.

Zazpi eratakoak izan ahalko dira:

A) Turismo irisgarritasuna hobetzeko inbertsioak. Esate baterako, honako hauek:

1. Honako hauek hobetzeko obrak: sarbideak, desplazamendu horizontalak edota bertikalak, komunak, atea eta pasabideak etab., bai eta oztopo arkitektonikoak kentzeko egiten direnak ere.
2. Ikusmena, entzumena edo ukimena erabiliz orientatzeko panelak edota euskarriak.
3. Zerbitzuei buruzko argibideak, braillez edota ikusmen eragozpenak dituztenek irakurtzeko egokituak.
4. Desgaitasuna duten pertsonen informazioa modu autonomoan eta bakoitzaren dibertsitatea kontuan hartuta eskuratzeko aukera ematen dieten web teknologiak.
5. Honako hauek erostea: Joëlette aulkiak edota pertsonaitsuak eta ikusmen urrikoak baliabide naturaletan ibiltzeko ezinbestekoak diren gailuak, bai eta turismorako baino erabiliko ez den beste edozein ibilgailu elektriko ere.

B) Erakunde eskatzailearen turismo jarduerak sortu, abian jarri, zabaldu eta dibertsifikatzeko beharrezkoak diren aktibo finkoetako inbertsioak. Besteak beste, honako hauek eskuratzeko:

1. Turistei alokatzeko bizikletak, bai eta umeak eramateko aulkiak ere.
2. Auto eta autobus elektrikoak, balorazio batzordearen iritziz argi eta garbi helburu turistikoetarako badira.
3. Behaketa astronomikorako edo animalia espezieak behatzeko teleskopioak.
4. Instalazioak erabilera turistikorako egokitzeko obrak.
5. Produktu edo zerbitzu turistikoak eskaintzeko beharrezkoak diren altzariak eta ekipamendua.
6. Turismo erabilera duten instalazioetarako errotuluak, toldoak eta pertsianak.

7. Ekipamendu informatikoa.

8. Turismo informazioa ematen duten panelak, seinaleak edota euskarriak, baita tokiko produktuei buruzko informazioa ematen dutenak ere, bai eta sustatu beharreko gune interesgarrietan argazkiak edota selfiak egiteko hiri altzariak ere.

9. Bisitarien ibilgailuak aparkatzeko lekuak atontzea; aparkalekuak baliabidetik kanpo egon behar dira eta haien helburua ibilgailuen eragin kaltegarria arintzea izan behar da.

C) Baliabide turistikoaren edota ondare historikoaren berreraikitze birtuala, errealtate areagotuko mota guztietako aplikazio interaktiboak barne, berreraikitze birtualeko ibilbide bat egin ahal izateko, edozein erabiltzailereri Arabako baliabide turistikoak behatzeko aukera emango diona, smartphone, tableta edo ordenagailu baten bidezko murgiltze esperientzia batean.

D) Efizientzia energetikoa hobetzeko jarduketak, klima aldaketa arintzekoak barne: karbonoaren kutsadura mugatuz eta energia berriztagarrietarako trantsizioa sustatuz produktu eta zerbitzu turistikoak emateko behar den energia murriztera bideratutako jarduketak; mugikortasun jasangarriko jarduketak, esaterako, garraio publikoan ibilgailu elektrikoak erabiltzea eta ibilgailu elektrikoentzako karga puntuak instalatzea, eta eraikinen birgaitze jasangarriko jarduketak.

E) Donejakue Bideko eta Inaziotar Bideko erromesei arreta emateko azpiegiturak hobetzeko lanak, dagoeneko badaudenak konpontzeko, handitzeko edo eraberritzeko egiten direnak, hain zuzen, eta Ardoaren eta Arrainaren Ibilbidean (GR38), Vasco-Navarro trenbideko bide berdean eta Arabatik pasatzen diren ibilbide eta bide seinaleztatuen inguruan zerbitzuak eta ekipamenduak ipintzeko egiten diren inbertsioen gastuak.

F) Bisitariak hartzeko eraikinak edo informazio turistikoa emateko azpiegiturak (turismo bulegoak, turismo informazioguneak...) konpontzea, handitzea eta mantentzea edo eraberritzea. Kontzeptu honen barruan sartzen dira zentroetako barne ekipamenduak: altzariak, ekipo informatikoak eta ikus-entzunezko ekipoak.

G) Nomada digitalen proiekturako guneak gaitzeko gastuak (Bulegoa) (coworking guneak, altzari ergonomikoak erostea, argiztapen sistemak, inprimagailuak...).

4.2. Dirulaguntzaren xede diren inbertsioek Arabako Lurralde Historikoan kokaturik egon behar dute.

4.3. Eskatzaile batek mota desberdinetako inbertsioak aurkezten baditu, eskaera bat aurkeztu beharko du inbertsio mota bakoitzeko. Eskatzaile bakoitzak gehienez 2 inbertsio mota egin ahal izango ditu, kuadrillen kasuan izan ezik, horiek gehienez 3 eskaera aurkeztu ahal izango baitituzte. Eskatzaileak bi eskaera baino gehiago aurkezten baditu (edo hiru baino gehiago, kuadrillen kasuan), inbertsio motaren arabera 9. artikuluko a) apartatuan puntuaziorik handiena jasotzen duten bi (edo hiru) eskaerak bakarrik hartuko dira kontuan.

4.4. Zergak diruz lagundu ahal izango dira, baldin eta dirulaguntzaren onuradunak ordaindu baditu. BEZa eta gainerako zeharkako zergak, berreskuratu edo konpentsatu ahal badira, ez dira inolaz ere diruz lagunduko, eta errentaren gaineko zerga pertsonalak ere ez.

4.5. Diruz lagundu daitekeen aurrekontuaren ehuneko 100eraino azpikontratatzea baimentzen da, betiere Arabako Lurralde Historikoko Dirulaguntzen urriaren 19ko 11/2016 Foru Arauak 27. artikuluan ezarritako baldintzak betetzen badira.

4.6. Proiektu beraren barruan Enplegu, Merkataritza eta Turismo Zerbitzuaren iritziz turismoa sustatzen nahikoa laguntzen ez duten jarduketak badaude, baztertu egin daitezke esleitu beharreko dirulaguntza kalkulatzeko.

4.7. Diruz laguntzeko moduko jardunak kontratatzeko, sektore publikoko kontratuen arloan indarrean den legediak xedatutakoa bete beharko da.

5. artikulua. Aplikazio eremua eta jarduerak gauzatzeko epea

Deialdi honen onuradunak diren erakundeek 2025ko abenduaren 15etik 2026ko abenduaren 1era bitarteko aldian egin beharko dituzte inbertsioak.

6. artikulua. Dirulaguntzen zenbatekoak eta mugak

6.1 Erabaki honetan jasotzen diren laguntzak diruz lagundu daitekeen aurrekontuaren ehuneko 80raino iritsiko dira (ikus Foru Gobernu Kontseiluaren azaroaren 12ko 49/2019 Foru Dekretua, 7.3. oinarri orokorra).

6.2. Hala ere, deialdia ebatzitakoan ez bada 2.1 artikuluan jasotako aurrekontu kreditua agortu, sortutako gerakina erabili ahal izango da, hainbanaketaz ehuneko 90eraino handitzeko onuradun bakoitzaren dirulaguntza ehunekoa.

6.3 Nolanahi ere, toki erakundeentzako dirulaguntzaren gehieneko zenbatekoa (aurreko apartatuetakoa ehunekoak aplikatuz ateratakoa) 48.000,00 eurokoa izango da kuadrillentzat, 28.000,00 eurokoa 200.000 biztanletik gorako zuzenbidezko biztanleria duten udal onuraduentzat, eta 20.000,00 eurokoa gainerako udalarentzat.

6.4 Erakunde eskatzailea Enplegu, Merkataritza eta Turismo Zuzendaritzaren beste laguntza programa batzuen onuradun izan bada programa honen kargura onartutako proiektuen antzeko izaera duten proiektuetan, diruz lagundu daitekeen oinarria egokitu egingo da araudi honetan ezarritako gehieneko mugak ez gainditzeko.

6.5 Eskaera bat diruz lagundu ahal izateko, ezartzen da esleipenaren unean proposatutako dirulaguntzaren gutxieneko zenbatekoa 1.500,00 euro izan behar dela, oro har, eta 2.000,00 euro kuadrillen eta 20.000 biztanletik gorako zuzenbidezko biztanleria duten udal onuradunen kasuan.

7. artikulua. Prozeduraren instrukziorako eskumena duten organoak

7.1. Prozeduraren instrukzioa Enplegu, Merkataritza eta Turismo Zerbitzuak egingo du.

7.2. Balorazio batzordea honela eratuta egongo da:

Lehendakaria: Enplegu, Merkataritza eta Turismo zuzendaria, edo hark eskuordetzen duen pertsona.

Bokala: Enplegu, Merkataritza eta Turismo Zerbitzuaren burua, edo hark eskuordetzen duen pertsona.

Idazkaria: Enplegu, Merkataritza eta Turismo Zerbitzuko teknikari bat.

8. artikulua. Eskaerak aurkezteko epea eta modua

8.1 Eskaerak elektronikoki aurkeztu beharko dira Arabako Foru Aldundiaren egoitza elektronikokoan dagoen izapide espezifikoaren bidez (<https://egoitza.araba.eus/eu/-/turismo-inbertsioetarako-laguntzak-kuadrilletan-eta-udaletan>). Dena dela, Administrazio Publikoen Administrazio Prozedura Erkidearen urriaren 1eko 39/2015 Legean ezarritakoa ere aplikatuko da.

AFAREN egoitza elektronikokoan zerbitzuak erabiltzeko, nahitaezkoa da modu telematikoan identifikatzea, ziurtagiri digital baten edo BAKQ sistemaren bidez, hemen: <https://egoitza.araba.eus/eu/hasiera>.

Eskaerak eskatzailearen ordezkari batek ere aurkeztu ahal izango ditu, baldin eta aurrez izapide hori gauzatzeko beharrezko baimen maila ezarri bada egoitza elektronikokoan: <https://egoitza.araba.eus/eu/baimenak>.

8.2 Eskaerak aurkezteko epea deialdi hau ALHAOn argitaratu eta hurrengo egunean hasiko da eta 2026ko apirilaren 24an amaituko da, egun hori barne.

8.3 Erakunde eskatzaileek egoitza elektronikoan zehaztutako eskaera inprimakia bete beharko dute eta honako dokumentazio hau erantsi:

a) Dirulaguntzaren xede diren inbertsioen memoria (inbertsioen beharra eta nola aurreikusten den hobe dezaketela eskatzailearen lehiakortasuna).

b) Laguntzen xede diren inbertsioei dagozkien eskaintzen edota aurrekontuen edota fakturen fotokopia.

8.4 Erakunde eskatzaileak baliozkotasuna emango die laguntzaren eskaera orrian identifikatutako harremanetarako pertsonaren posta elektronikoko kontura Enplegu, Merkataritza eta Turismo Zuzendaritzak bidalitako komunikazio gutzietan.

8.5. Dirulaguntzaren justifikazio gisa elektronikoki aurkeztutako dokumentuek bat etorri beharko dute jatorrizkoekin, zeinak interesdunaren esku egongo baitira, eta Enplegu, Merkataritza eta Turismo Zerbitzuaren eskura jarri beharko ditu hala eskatzen zaionean.

Bat etorritik Administrazio Publikoaren Administrazio Prozedura Erkidearen urriaren 1eko 39/2015 Legeak 28.7 artikuluan ezarritakoarekin, erakunde onuradunak du dokumentazioa egiazkoa izatearen ardura.

Enplegu, Merkataritza eta Turismo Zerbitzuak beste dokumentu batzuk ere eskatu ahal izango ditu, egoki baderitza memorian aipatzen dena egiaztatzeko.

9. artikulua. Proiektuak hautatzeko eta balioesteko irizpideak

9.1 Aurkeztutako jarduerak, oro har, ondoren adierazten diren irizpide eta puntuazioen arabera balioetsiko dira:

a) Inbertsio mota (35 puntu gehienez).

Turismo irisgarritasuna hobetzeko inbertsioak (A mota)	35 puntu
Efizientzia energetikoa hobetzeko jarduketak, mugikortasun jasangarriko jarduketak eta eraikinen birgaitze jasangarriko jarduketak (D mota)	30 puntu
Turismo jarduerak sortu, abian jarri, zabaldu eta dibertsifikatzeko aktibo finkoetako inbertsioak (B mota)	25 puntu
Informazio turistikoa emateko bulegoetarako informazioguneetarako altzariak, ekipu informatikoak eta ikus-entzunezkoak (F mota)	20 puntu
"Bulego" nomada digitalen proiekturako guneak gaitzeko gastuak (G mota)	15 puntu
Baliabide turistikoaren edota ondare historikoaren berreraikitze birtuala (C mota)	15 puntu
Donejakue Bideko eta Inaziotar Bideko erromesiei arreta emateko azpiegiturak hobetzea, eta GR38an eta Vasco-Navarro trenbideko bide berdean zerbitzuak eta ekipamenduak ipintzea (E mota)	10 puntu

b) Proiektuaren berrikuntza maila, oro har, eta zein neurritan laguntzen duen turismo eskaintza dibertsifikatzen (25 puntu gehienez).

Proiektuak, oro har, izaera berritzaile nabarmena du eta eskatzailearen turismo eskaintza dibertsifikatzen laguntzen du	25 puntu
Proiektuak, oro har, izaera berritzaile nabarmena du edo eskatzailearen turismo eskaintza dibertsifikatzen laguntzen du	15 puntu
Proiektuak ez du izaera berritzaile nabarmenik eta ez du eskatzailearen turismo eskaintza dibertsifikatzen laguntzen	5 puntu

c) Jarduketaren lurralde kokapena (20 puntu gehienez).

5.000 biztanle edo gehiagoko udalerrietan eta kuadrilletan egindako jarduketak	20 puntu
5.000 biztanle edo gutxiagoko udalerrietan egindako jarduketak	10 puntu

Irizpide hau baloratzeko Estatistika Institutu Nazionalak egindako udal errolda hartuko da aintzat, 2024ko urtarrilaren 1eko datuak, hain zuzen ere.

d) Kudeaketan bi kuadrilla edo udal edo gehiago inplikatzan dituzten jarduerak sartzea (gehenez 20 puntu).

Bi kuadrilla edo udal edo gehiago inplikatzan dituzten jarduerak	20 puntu
Kuadrilla edo udal bakarra inplikatzan duten jarduerak	10 puntu

9.2. Edonola ere, lerro honetako dirulaguntzen onuraduntzat eman ahal izateko, eskatzaileak deialdi honetako 3. artikuluan ezartzen diren betekizun guztiak bete beharko ditu eta, horrez gainera, aurkeztutako jarduketan multzoak gutxienez 50 puntu lortu beharko ditu balorazioan.

9.3. Onuradunak hautatzeko eta bakoitzari dagokion zenbatekoa zehazteko, Foru Gobernu Kontseiluaren azaroaren 12ko 49/2019 Foru Dekretuaren seigarren oinarrian ezarritakoari jarraituko zaio.

9.4. Baldin eta eskaerako inbertsio batzuek Enplegu, Merkataritza eta Turismo Zerbitzuaren ustez ez badute behar beste laguntzen dirulaguntzaren xedea lortzen, partida horiek kanpoan utzi ahal izango dira esleitu beharreko dirulaguntza kalkulatzeko orduan. Era berean, erakunde onuradunak 6.3 apartatuan ezartzen den diruz laguntzeko moduko gehieneko aurrekontua agortzen badu, Enplegu, Merkataritza eta Turismo Zerbitzuaren ahala izango da diruz lagunduko diren gastu kontzeptuak zehaztea.

10. artikulua. Ebazteko eta jakinarazteko epealdia

10.1. Organo eskudunak dagozkion ebazpenak emango ditu. Ebazteko epea Foru Gobernu Kontseiluaren azaroaren 12ko 49/2019 Foru Dekretuaren seigarren oinarrian ezarritakoaren arabera arautuko da. Ebazpen horiek, ahal dela, baliabide elektronikoen bitartez jakinaraziko dira, eta ezinezkoa bada, gutun ziurtatuaren bidez, Administrazio Publikoen Prozedura Erkidearen urriaren 1eko 39/2015 Legearen 41. eta 42. artikuluetan xedatutakoa aintzat hartuz.

10.2. Erabaki honek administrazio bidea agortzen du, baina zuzenean aurkaratu daiteke Vitoria-Gasteizko administrazioarekiko auzietarako epaitegien aurrean, egintza argitaratu ondorengo egunean hasi eta bi hilabete igaro baino lehen. Hori guztia Administrazioarekiko Auzien Jurisdikzioa arautzen duen uztailaren 13ko 29/1998 Legearen 46. artikuluan xedatutakoaren arabera.

11. artikulua. Dirulaguntzak justifikatzea eta ordaintzea

11.1. Dirulaguntzen likidazioa administrazio ebazpenean agintzen den bezala gauzatuko da, bertan zehazten diren betekizun eta baldintzak bete ondoren.

11.2. Lehen ordainketa justifikatu beharreko aurrerakin gisa egin ahal izango da eta emandako dirulaguntzaren ehuneko 30 ordainduko da, betiere dirulaguntza emateko ebazpena onesten denetik 2026ko abenduaren 1era bitartean (egun hori barne) eskatzaileak proiektuaren gauzatze mailari buruzko txosten bat eta txostenaren egunera arte egindako gastuen kalkulua ziurtagiri bat aurkezten baditu, eta kalkulu hori diruz lagun daitekeen oinarriaren ehuneko 30ekoa edo handiagoa bada. Aurrerakin hori ordaintzeko, aipatutako dokumentazioa aurkezteaz gain, hirugarrenak aurrerakina berariaz eskatzeko idazki sinatua aurkeztu beharko du elektronikoki erregistro elektronikoa.

11.3. Dirulaguntza ordaintzeko betebeharra onartzeko nahiz hura kobratzeko dirulaguntzen justifikazioa elektronikoki aurkeztu beharko da erregistro elektronikoa, Arabako Foru Aldundiaren egoitza elektronikoa bidez, Administrazio Publikoen Administrazio Prozedura Erkidearen urriaren 1eko 39/2015 Legean xedatutakoa ere kontuan hartuz.

Dirulaguntzaren justifikazio gisa elektronikoki aurkeztutako dokumentuek bat etorri beharko dute interesdunaren esku egongo den jatorrizkoarekin, eta Enplegu, Merkataritza eta Turismo Zerbitzuaren eskura jarri beharko ditu hala eskatzen zaionean.

Bat etorri Administrazio Publikoen Administrazio Prozedura Erkidearen urriaren 1eko 39/2015 Legeak 28.7 artikuluan ezarritakoarekin, erakunde onuradunak du dokumentazioa egiazkoa izatearen ardura.

11.4 Arabako Foru Aldundiak dirulaguntzaren zenbateko justifikatua ordaintzeko betebeharrak onar dezan, onuradunak dokumentazio hau aurkeztu beharko du 2026ko abenduaren 1ean amaituko den epean (egun hori barne):

– Egindako jarduketan/inbertsioen memoria. Obrak eginez gero, obren argazkia ere aurkeztu behar da memoriarekin batera.

– Fakturak eta gainerako frogagiri baliokideak.

– Kontratu txikietarako ezarritako zenbatekoak berdintzen edo gaintzen dituzten gastuak badaude (40.000,00 euro obretan, eta 15.000,00 euro gainerako kontratuetan), organo eskudunak adjudikazioari buruz hartutako ebazpenaren idazkariaren ziurtagiria erantsi beharko da.

– Hauei buruzko informazioa jasotzen duen erantzukizunpeko adierazpena:

a) Aurkeztutako datuak egiazkoak direla eta aurkeztutako kopia jatorrizko dokumentuekin bat datozeela.

b) Ea, dirulaguntza honetaz gainera, diruz lagundutako kontzeptuetarako beste diru sarrera edo dirulaguntza batzuk lortu diren ala ez. Hala bada, diru sarrera horien justifikazioa aurkeztu behar da.

Faktura elektronikoak aurkeztuz gero, Factura-e motako estandarren arabera izan beharko da haien formatua.

11.5. Arabako Foru Aldundiak dirulaguntzaren zenbateko justifikatua ordainduko du, onuradunak Enplegu, Merkataritza eta Turismo Zerbitzuan fakturak ordaindu izanaren justifikazioa aurkezten bada 2027ko apirilaren 2an amaituko den epean (egun hori barne). Ordaindu izanaren frogagiritzat formatu hauetako edozein joko da:

– Banka elektronikoaren bidez egindako banku laburpenak edota transferentzia aginduak, zehaztuta dutenak ordainketaren ordaintzailea eta onuraduna, zenbatekoa eta data.

– Tiketak (faktura erraztuak), baldin eta Fakturazio Araubidearen 7. artikularen 2. eta 3. apartatuetan xedatutakoaren arabera egin badira (maiatzaren 28ko 18/2013 Foru Dekretua), hau da: ordaindu beharreko kopurua ordaindu dela frogatzen duten faktura erraztu kualifikatuak, hartzailearen IFZ eta helbidea adierazten dutenak, bai eta esleitutako zerga kuota bereizita ere, eta diruz lagundutako jarduna zehazten dutenak eta tiketa jaulkita dagokion zenbatekoa ordaindu dela adierazten dutenak.

– Eskurako ordainketen kasuan, frogagiritzat hartuko da fakturaren erakunde jaulkitzailearen ziurtagiri sinatua edota zigilatua, zeinetan faktura zenbakia, zenbatekoa eta ordainketa data agertu beharko baitira, betiere zenbateko hori eskudiruzko ordainketei buruz indarrean dagoen 2026eko araudian ezartzen den zenbatekoa edo handiagoa ez bada.

– P kontabilitate agiriak.

– Fakturak ordaindu izanaren datadun egiaztagiria, lehendakariak, alkateak edo idazkari kontuhartzaileak sinatua eta zigilatua, datu hauek zehaztuta: fakturaren zenbakia, zenbatekoa eta ordaindu zeneko eguna.

11.6. Ez da onartuko eskudirutan ordaintzea 2026ko ekitaldirako indarreko araudian ezartzen den zenbatekoa (edo haren kontrabalia atzeriko dirutan) edo hortik gorakoa.

Aurreko paragrafoan aipatzen den zenbatekoa kalkulatzeko, ondasun ematea edo zerbitzua zatikatu bada, eragiketa edo ordainketa guztien zenbatekoak batuko dira.

11.7. Ordainketak arinago egin daitezzen, agiriak kasu bakoitzerako ezarritako epemuga baino lehen aurkeztu ahal izango dira.

11.8. Justifikatutako gastuak, guztira, diruz lagundu daitekeen aurrekontua adinakoak izan beharko dira, gutxienez. Diruz lagundu daitekeen aurrekontu horretara iritsi ezean, dirulaguntza proportzioan murriztuko da, eta dagokion kopurua baliogabetuko da.

11.9. Diruz lagundu daitekeen aurrekontuari hasieran onartu zaion muga oinarri hartuta, aldaketak onartu ahal izango dira diruz lagundu daitezkeen kontzeptu eta zenbatekoetan, nahiz eta diruz lagundu daitezkeen kontzeptuetakoren bat gauzatu gabe gelditu. Desbideratze horiek Enplegu, Merkataritza eta Turismo Zerbitzuaren oniritzia beharko dute, salbu eta funtsezko aldatetak egiten badira, halakoei Enplegu, Merkataritza eta Turismo Zuzendaritzak eman beharko baitie oniritzia.

11.10. Zenbait kasutan lehenengo entrega egin ahal izango da, justifikatu beharreko aurre-rakin gisa. Hala ere, ez da ezarri emandako funtsak bermatzeko inolako araubiderik.

11.11. Baldin eta 6. artikuluan ezarritako dirulaguntza mugetatik edozein aplikatu bada, onargarria izango da diruz laguntzekoa den gastuan murrizketak egitea, esleitutako dirulaguntza aldatu gabe; alabaina, beharrezkoa izango da dirulaguntzaren xedea betetzea, eta errespetatzea diruz lagundutako gastuaren gutxieneko zenbateko justifikatu beharrekoa, alegia, operazio honen emaitza: esleitutako dirulaguntzaren gehieneko zenbatekoa zati aplikatutako dirulaguntza ehunekoa.

11.12. Epe horiek igaro eta dirulaguntza ordaintzeko betebeharra onartzeko zein dirulaguntza ordaintzeko aurkeztu beharreko agiriak aurkeztu ez badira, edo aurkeztu beharreko guztia aurkeztu ez bada, dirulaguntza gutxitu edo baliogabe utziko da, kasu bakoitzari dagokionaren arabera.

12. artikulua. Dirulaguntzen bateragarritasuna

12.1. Oinarri arautzaile orokorrak onetsi zituen Foru Gobernu Kontseiluaren azaroaren 12ko 49/2019 Foru Dekretuak hamabigarren oinarrian ezartzen duena aplikatuko da. Gainera, jarduketek jaso ditzaketen gainerako laguntzak, edozein izanda ere laguntza mota eta hura ematen duen organoa edo administrazioa, bateragarriak izango dira erabaki honetako laguntzekin, baldin eta, bai osotara, bai diruz lagundutako jarduera bakoitzean, laguntzen baturak ez badu gainditzen diruz lagundutako jardueraren kostua.

13. artikulua. Interpretazioa eta garapena

Enplegu, Merkataritza, Turismo eta Foru Administrazioaren Saileko foru diputatuari ahalmena ematen zaio deialdi honen oinarri espezifikoak interpretatzeko, bai eta oinarriok behar bezala aplikatzeko behar diren xedapen guztiak ebazpenen bitartez garatzeko ere.

14. artikulua. Eskaerak egokitzea

Erabaki honetan araututako dirulaguntza deialdian parte hartzerik ez duten hirugarren pertsonen jarduketak –dela erabaki honetan ezarritako baldintzaren bat betetzen ez dutelako, diruz laguntzea nahi den kontzeptuak diruz lagundu ezin direlako edo, Enplegu, Merkataritza eta Turismo Zerbitzuaren iritziz, proiektu horiek Enplegu, Merkataritza eta Turismo Zuzendaritzak aurten kudeatutako beste laguntza lerro batzuei hobeto egokitzen zaizkielako eta horrelakoren bat eskuratu ahal dutelako– dagokien laguntza lerrora eraman ahal izango dira ofizioz.

15. artikulua. Araubide juridikoa

Ebazpen honetan ezarritako prozedura Foru Gobernu Kontseiluaren azaroaren 12ko 49/2019 Foru Dekretuaren bidez onetsitako oinarri arautzaile orokorretan ezarritakoaren mendean dago, bai eta honako hauek dirulaguntzei buruz xedatzen dutenaren mendean ere: urriaren 19ko 11/2016 Foru Araua, Arabako Lurralde Historikoko Dirulaguntzena; azaroaren 17ko 38/2003 Lege Orokorra, Dirulaguntzena; uztailaren 21eko 887/2006 Errege Dekretua, zeinaren bidez onesten baita Dirulaguntzen azaroaren 17ko 38/2003 Lege Orokorraren araudia, eta dirulaguntzei buruzko geroko xedapenak.